

9
פ. מ. פ.
משיח הרופא לכל החלואינו
SIVE

DISSERTATIO
PHILOLOGICO - EXEGETICA
DE
CHRISTO
MEDICO CORPORIS
ET ANIMI

e Jesaia LIII, 4. & Matth. IIX, 16. 17. inter se comparatis,
QVAM

AVSPICANTE DEO TRINVNO
PRÆSIDE

ALB. MENONE VERPOORTENNIO,
SS. THEOL. DOCTORE, DIRECTORE, ET THEOL. LOGIC.
AC JVR. NAT. PROF. PVBL. ORD.

IN ILLVSTRI CASIMIRIANO

Ad Diem III. Maji, A. C. cId Idccxxv

ERVEDITORVM JVDICIO

Subjicit

AVCTOR RESPONDENS

SEBASTIANVS GOTTLIEB BEYERVS,
COBVRGENSIS.

COBVRGI,

APRIS MAVRITII HAGENII, TYPOGR. AVL. DVCAL.
VIDVÆ ET HÆRED.



VIRO
MAGNIFICO, SUMME REVERENDO, AMPLISSIMO
ATQUE EXCELLENTISSIMO
DOMINO

JOH. GERHARDO MEVSCHENIO,

Senatus Ecclesiastici Coburg. & Isenac. Consiliario Gravissimo,
Superintendenti Generali Vigilantissimo, Illustris Athenæi Cæs. Scholarchæ
Spectatissimo, Pastori ad D. Mauritii Fidelissimo, Professori Theologiæ
Primario Eruditissimo, Reg. Boruss. Societatis Scient. Socio
Dignissimo,

P A T R O N O,
FAVORI ET PRÆCEPTORI SVO
Nullo non pietatis, obsequii & honoris cultu summo opere
venerando,

Has studiorum suorum qualescunque primitias,
Animi observantis & grati pro acceptis tot favoris pignoribus tenue pignus
ac monumentum,

Cum summæ ac perpetuæ felicitatis voto
offert & consecrat

SEB. GOTTLIEB BEYER.



58700 (9)



PROOEMIUM.

Q Vanquam illud Judæorum pronunciatum **שבעים פנים** **יש לחורה** *septuaginta facies sunt legi*, h. e. ut explicatur in *Tract. Talm.* **שבת** *Seet. IX.* **כל דבור ודבור שיצא מפי הגבורה נחלק לעו לשונות** *unumquodque verbum, quod egreditur ex ore Dei, dividitur in septuaginta significationes*, quod ad Scripturæ S. excellentiam, divitias ac profunditatem describendam nonnunquam adhibuerunt, de universo Codice S. in genere, si scil. ad sensum cum veritate Christiana convenientem restringitur, sit verissimum, *Chrysostomus* pariter eundem recte dixerit *animarum pharmaca*, & *Cel. Dannbauerus* singulas ejusdem voculas cum penetrantissimis *pharmacorum guttulis* jure comparaverit: hæc tamen elogia uni vel alteri effato divino, majores divinæ gratiæ ac promissionum divitias complectenti, in specie & præ cæteris tribuenda esse, omnino quoque videtur affirmandum. Inter hæc autem primum certe locum obtinet aureum illud vel auro omni pretiosius dictum *Jesaja*, quod is de expiatione criminum nostrorum per Christum jussu divino *Cap. LIII. 4.* enunciat. Nam ad dictum hoc quod attinet, omnes profecto illius voculæ plenæ sunt divinæ gratiæ, plenæ solatii, plenæ salutis, omnes tanquam penetrantissimæ *pharmacorum guttulæ* gravissimas tentationes maximasque anxietates, quibus cum Christiani sæpius confluantur, non lenire solum, sed auferre plane valent. Quid enim Christiano dulcius est? quid ei majus affert solatium, quam certissima expiatio peccatorum suorum per Christum facta? Cum igitur effatum hoc divinum tantæ sit virtutis, tantæque præstantiæ, & simul in-
tar scuti objici possit omnibus satisfactionis Christi hostibus, imprimis eo-

rum duci *Fausto Socino*, hinc etiam non potest certe non omnibus Christianis carius esse **מחליפי זהב וכסף** secundum *Psal. CXIX, 72.* imo pretiosius omnibus orbis divitiis. Quoniam autem pretiosum hunc thesaurum (The-
sauro enim pretiosissimo cuique maxime plerumque parantur insidiæ) Chri-
stianis eripere, imo retundere aciem hujus argumenti & omni tempore labo-
rarunt & adhuc laborant hostes veritatis, atque imprimis in *Matthæo*, idem
dictum *cap. VIII, 17.* laudante, scopulos reperisse sibi persuadent, ex quibus
communi Christianorum & veræ sententiæ, periculosa, imo insuperabiles
plane nascantur difficultates: non abs re, præsertim hoc tempore, quo in
cætibus Christianorum historia Passionis Christi considerata fuit propo-
sita, fore putavimus, si ista de quæstione dispiceremus accuratius & utrumque
locum inter se, salva fidei analogia, ad mentem Spiritus S. rite compararemus.
Antequam autem ipsum institutum nostrum aggredimur, Deum T. O. M.
humillime devotissimeque precamur, velit Spiritus sui, qui hæc dictavit, gra-
tia & auxilio gratiose & largiter nobis adesse, mentemque ita dirigere, ut
omne hoc nostrum inceptum in sanctissimi Nominis sui gloriam & veritatis
confirmationem eveniat perficiaturque feliciter.



Esaiæ LIII, 4.

כן הלייני הוה נשן ומכאבי סבל:

Matth. VIII, 16. 17.

Ὁψίας δὲ γενομένης προσήνεγκαν αὐτῷ δαμονιζομένους πολλὰς· καὶ ἐξέβαλε
τὰ πνεύματα λόγῳ, καὶ πάντας τὰς κακῶς ἔχοντας ἰθερᾶπευσεν.
Ὅπως πληρωθῇ τὸ ῥηθὲν διὰ Ἡσαΐα τῷ προφῆτῃ, λέγοντι· Αὐτὸς
τὰς ἀσθενείας ἡμῶν ἔλαβε, καὶ τὰς νόσους ἐβάστασεν.

SECTIO I.

Expendens varias Interpretum sententias.

§. I.

Illustre hoc Jesaiæ vaticinium accuratius consideraturi, præmonendum
esse duximus, non fore nos sollicitos de inanibus ac nullius plane mo-
menti Judæorum aliorumque eorum partes tuentium detorquendi ra-
tionibus, quibus quidam ad gentem Judaicam, alii ad Jeremiam, alii ad
Josiam, alii ad Zorobabelem, alii ad Moysen, alii ad Angelos Ministros, ali-
denique

denique ad quemvis justum in genere (confer. *Ant. Hulsus in Theolog. Jud. de Messia. Job. Thilo in Med. Theol. V. T. pag. 937.*) & nescio quid amplius, ef-
fatum hoc divinum detorquere conantur, cum & res hæc ab Interpretibus
adjecta omnium objectionum refutatione satis jam sit exposita & a præsentī
nostro instituto alienior, imprimis vero inter Christianos, quin in hoc va-
ticinio de Christo, Salvatore nostro ac Medico corporis & animi agatur,
nullum, ut arbitramur, restet dubium.

§. 2.

Omnem potius, hoc ultimo, ut immota & certissima veritate, præsup-
posito, adhibebimus operam, ut post doctissimorum Virorum laudatissi-
mas utilissimasque habitas hujus rei messes spicilegium aliquod instituamus,
periculum scilicet facientes, an aliquid, ut jam diximus, ad accuratiorem
stiloque Spiritus S. convenientiorem utriusque loci conciliationem conferre
valeamus. Prius vero quam necessariis adhibitis argumentis ipsam hanc tenta-
mus conciliationem: removendæ omnino nobis sunt istæ difficultates ac im-
pedimenta, quibus multi adhuc ex Interpretibus, ut nobis quidem videtur,
ab accuratiori utriusque loci conciliatione sunt impediti, & quibus stanti-
bus nec nostra conciliatio locum habere posset.

§. 3.

Ponimus ergo primo loco, *minime satisfieri verbis & scopo Evangelistæ,*
si dicatur, hoc Jesaiæ vaticinium impletum esse in citatione Matthæi sensu tantum
accommodatio, h. e. proprie agi solum in citato Jesaiæ effato de Passione
Christi, deque nostra spiritali per eam sanatione, five de expiatione
peccatorum nostrorum; non autem simul de morborum corporalium
curatione, sed ad hos κατ' ἀναλογίαν saltem a Matthæo dictum hoc accom-
modari.

§. 4.

His ita positis, relinquendæ nobis sunt partes eorum, qui sententiam
hanc nostræ contrariam foverunt & adhuc foveant. In horum autem nu-
merum referendus est *Job. Occolampadius Hypomn. in Es. Lib. VI. pag. 263.* ubi di-
cit: *Matthæus Evangelista cap. VIII. in suum negotium hæc verba deflexit, docens*
Christum sanasse morbos infirmorum, sed per hoc docet, quod sanatio illorum mor-
borum figura fuerit sanatorum morborum animi. Item *Erasmus Roterodamus,*
in Annotat. in N. T. p. 44. dicens: *Adduxit hoc testimonium Matthæus ex Esaiæ*
cap. LIII. nonnihil ad suum deflectens negotium. Etenim, quod illic dictum est de
Passione Christi & sublati hominum peccatis, hic accommodat ad egrotos sa-
natos. Porro *Job. Maldonatus, Jesuita in Comment. in Matth. dicens:*

Quod a Propheta de peccatis dictum erat , Evangelista ad morbos corporis accommodat quia -- ita solet Matthæus prophetias non ad eundem , sed ad similem sensum accommodare , ut cap. II. v. 15. 18. nec non Cornelius Jansenius in Comment. in Concord. Evangel. cujus verba sunt: Quod testimonium , etsi ab Esaia potissimum dictum sit de morbis animorum -- Matthæus tamen , qui Judæis scribens frequenter V. T. scripturas factis circa Christum adaptat , hoc testimonium citat de infirmitatibus & morbis corporum -- Quo itaque Evangelista insinua- ret , curatione corporali demonstratum esse curatorem mentis , quod de malis ani- mi præcipue dictum fuit , adaptat morbis corporis. Et ex nostris Theologis Joh. Gerhardus Confess. Cath. Lib. II. pag. m. 183. Qui recensita sententia Jansenii ita dicit: Ergo Matthæus hoc dictum citat per accommodationem , non autem in sensu literali. Item Sal. Glassius Philol. S. L. II. Part. I. Tract. II. Sect. I. qui propositis rationibus , quibus adductus Evangelista verba illa applicaverit ad suum scopum , concludit denique: Manere simplicem & unum verborum Esaie sensum , quem κατ' ἀναλογίαν Matthæus ad propositum suum accommodet; cujus vestigia premit Joh. Thilo in Medulla Theol. V. T. pag. 942. & Commenta- tores Bibl. Vinar. ad c. l. Matthæi. A quorum partibus ex Reformatis recen- tioribus stant etiam Mrs. De Beausobre & Lenfant in Notis ad N. T. gallice edit. Amstel 1716. 4. quorum verba ita se habent: Cet oracle d' Esai LIII. 4. regarde proprement les pechez des hommes, dont les maladies sont l'image & les effets -- S. Matthieu applique cet oracle a la guerison des maladies & il n'est pas extraordinai- re aux anciens Théologiens des Hebreux d'employer le même texte de l'Ecriture , pour prouver deux veritez , pour tout lors qu'il s'agit de choses , qui ont du rapport & de la liaison ensemble. Nec non Henr. Hammondus in Annotat. ad N. T. & ejus Commentator Joh. Clericus , qui inde hoc porisma deducit: Non esse nimium urgenda verba prophetiarum , quæ non minus impleta censeantur , etiam dilutiore sensu intellecta. &c. Sed ex quibus principiis ultima hæc verba proficiantur & quam digna sint Sanctissimo Sacrarum Literarum Autori , judicet quæ so lector Christianus.

§. 5.

Ad hanc ipsam autem quod attinet sententiam , ab assensu ejus impedi- mur inducti hac ratione , quia scilicet diligenter nobis cavendum esse videtur , ne occasio præbeatur hostibus veritatis , imprimis vero Judæis , cum aliqua veri specie nobis objiciendi , nostra ipsorum confessione hoc vaticinium præter mentem & intentionem Prophetæ a Matthæo citari , ac proinde hanc Matthæi probationem valde infirmis superstructam esse fundamentis , vel po- rius nullam plane illius , quod probare debeat , habere probandi vim.

§. 6. Nam

§. 6.

Nam scopus Evangelistæ, ut omnis, paulo diligentius illum attendens, facile perspiciet, eo spectat, ut miraculosam morborum curationem in δαίμονιζομένοις καὶ πᾶσι τοῖς κακῶς ἔχουσιν a Christo exhibitam ponat inter characteres Messiae, eamque jam olim in citato loco ab Esaia prædictam doceat: idque ea quoque de causa, ut ostenderet Judæos tunc temporis exinde colligere debuisse, & adhuc colligere debere, Jesum hunc Nazarenum esse Christum s. verum משיח. Omnino enim hoc argumentum animos Judæorum convincere debuisset, quia constat ex veritate illis notissima. Nam ad characteres Messiae miraculosam morborum curationem pertinere, non solum alia quoque V. T. loca e.g. *Jes. XXXV, 3. 4. 5. & cap. XLII, 7.* diserte testantur, sed & Christus ipse clarissimis verbis ob oculis illis posuit *Lucæ IV, 18. 21. Matth. XI, 4. 5.* Id quod ad nostrum Matthæi locum eleganter etiam docet *Lucas Osiander, Parte II. Bibl. S.* dicens: *Itaque Christi miracula sunt certissima & firmissima testimonia, hunc Jesum Nazarenum esse verum Messiam, Deum verum, qui in hunc mundum venerit, ut nos a tyrannide Satanae vindicaret.* Quid quod ipso antiquissimo illo *R. Simeonis F. Jochai* testimonio hoc confirmatur? Hic enim in ספר הזוהר ad *Exod. in ויקהל* pag. (edit. Amstel.) 212. ita scribit: כר היו ישראל בארעא קירשא באינון פולחנין וקר' וקרבנין דהו עברי הו מסלקין כל אינון מרעין ויסורין מעלמא: השתא משיח מסלק לון מבני עלמא: h. e. *Quamdiu fuerunt Israëlita in terra sancta, per cultus istos & sacrificia, quæ fecerunt, abstulerunt omnes istos moribos & castigationes a mundo. Nunc vero Messias eos auferet a filiis mundi.*

§. 7.

Nulla vero citati hujus argumenti Matthæi remanet vis, si ad nudam confugiamus accommodationem. Nam (α) cadit illud, (quod tamen Matthæus hoc dicto vult probare,) miraculosam morborum curationem pertinere ad characteres Messiae, eamque in hoc Jesaiaë vaticinio jam olim esse prædictam: quia hac de re in illo propriè non agitur. (β) Judæi facile inde prætextum capiant incredulitatis suæ, colligentes hoc modo: quia in vaticinio Jesaiaë (quod Matthæus adducit ad probandum, curationem morborum miraculosam esse characterem Messiae, & Jesum Nazarenum, quia hanc perfecit, esse verum Messiam,) nullo modo, ipsis fatentibus Christianis, propriè de miraculosa morborum curatione, Messiae characterè, agitur, sequitur, non solum citationem Matthæi esse erroneam, sed & Jesum Nazarenum verum esse

esse Messiam, ex hoc dicto non posse probari. Eo enim certe modo *Porphyrius* olim calumniabatur, *coactius*, dicens, aut, ut alii ejus sententiam referunt, *incogitanter*, *Matthæum hoc vaticinium ad scopum suum applicare*; quibuscum verbis conveniunt, vel potius pravitate ea antecedunt calumniæ *R. Isaaci*, quas contra Evangelistas & Apostolos in genere protrusit in **מנוח פה פה** pag. 25. id quod evidentissimo documento est, quam anceps hoc sit utrumque locum conciliandi medium.

§. 8.

Imo ipsa ab Evangelista ex instinctu Spiritus S. adhibita allegandi formula, *ὅπως πληρωθῇ τὸ ρηθὲν διὰ Ἠσαΐα προφήτη*, repugnare videtur sensui accommodatitio. Nam (α) conjunctionis *ὅπως*, ut, notio causæ finalis eum admittere nequit. Licet enim illa sæpius *ἐκβατικῶς* tantum exponenda sit, tamen, si connexionem & verba textus accurate consideramus, certe h. l. *αἰτιολογικῶς* videtur accipienda. Ea enim de causa Christus a Diabolo oppressos variisque morborum generibus affectos sanavit, ut per hoc imple-
retur *Jesaiæ vaticinium*, & eum, de quo *Jesaias* vaticinatus sit, se esse declararet. Et hoc etiam *Cel. Glassius Grammat. S. Lib. III. Tract. VII. Can. XIX. Nota pag. 827.* quodammodo affirmare videtur. Ibi enim dicit: *Pertinere ad hunc* (scilicet Canonem XIX. de *ἐκβατικῶς* sumenda conjunctione Vt,) *canonem ea quoque dicta, in quibus hoc vel illud ut malum dicatur factum, ut imple-*
rentur prophetica oracula. Ibi enim consequens & eventum prædictionis, non pro-
prie sit dictum effectum, innuit. Non enim velle Deum mala nec prædicere, ut
fiant. Ex his enim Cel. Glassii verbis, collatis præsertim adductis ab eo ex-
emplis, omnino colligi posse videtur, conjunctionem ἵνα & æquipollentem
ὅπως in iis tantum allegandi formulis, quibus per malum aliquod perpetra-
tum prophetia aliqua dicitur impleta, ἐκβάσεως significationem habere, in
iis vero, quæ de Messiae characteribus & aliis ab Illo perficiendis rebus agunt,
omnino αἰτιολογικῶς esse exponendam. Profecto enim hujusmodi allegan-
di formulis ac citationibus proprie sic dictus prædictionis effectus innuitur.
Deus enim omnino voluit, hæc a Prophetis prædicta Filii sui, ut veri Messiae,
indubitatos esse characteres, eademque prædixit, ut fierent, & a Filio suo ad
declarandum & perficiendum redemptionis opus peragerentur: uti hoc Chri-
stus ipse affirmat Luc. XXIV. 44. coll. 46. & imprimis Matthæi XXVI, 54.
Et his ita positis, sat prono alveo exinde fluere videtur hoc ratiocinium:
Quæcunque miracula a Spiritu S. eum in finem facta dicuntur, ut per ea implea-
tur allegatum aliquod vaticinium Jesaiæ, illa diserte & proprie in allegato illo va-
ticio Jesaiæ prædicta esse debent. Atqui Miracula Christi Matth. VIII, 16.
Spiri

Spiritu S. cum in finem facta dicuntur, ut per ea &c. Ergo. Majoris probationem exhibent sanctitas, veracitas, sapientia, autoritas &c. Sanctissimi Scripturæ Autoris. Minor vero modo dictis stabilitur. (β) Verba πληρωθῇ τὸ ῥηθὲν διὰ Ἡσαΐα indicant, non solum idem illud, quod Spiritus S. per Matthæum vult probare, diserte & eodem plane (non accommodatio) sensu ab Illo in citato Jesaiæ vaticinio esse prædictum, sed etiam per Christi miracula, quæ à Matthæo commemorantur, plenum perfectumque verborum Jesaiæ factum esse complementum. Quomodo enim Spiritus S. per Matthæum dicere posset, πληρωθῆναι τὸ ῥηθὲν διὰ Ἡσαΐα, si eodem hoc sensu hæc verba per Jesaiam non prædixerit? Hinc ergo argumentamur: In cujusunque dicti allegatione, sensusque ejus per expressum complementum explicatione Spiritus S. tali utitur formula, quæ non nisi unum eundemque vaticinii & citationis sensum declarat, in illa nequaquam obtinet sensus accommodatitius. Atqui in Jesaiæ dicti allegatione sensusque ejus &c. Ergo. Major per se patet. Minoris vero probationem exhibent modo dicta.

§. 9.

Licet autem supra §. 4. citata verba Mrs. de Beausobre & Lenfant & ea, quæ a Cel. Guil. Surenhusio in מִשְׁנֵה סֵפֶר I Βίβλω καταλλαγῆς de Matthæi allegandi formula ὅπως πληρωθῇ τὸ ῥηθὲν, quod sit Hebræorum formula מִן שְׁנֵי מִן לְקִיִּים hujusque usui respondeat, asseruntur, hæcenus dicta destruere & contra quodammodo sensum accommodatitium stabilire videantur, dum dicit pag. 2. *Thef. II. Hac (Hebræos) formula uti solere, quando non ipsa Moysi & Prophetarum verba, sed eorum sensum, qui tanquam axioma aliquod ex iis eliciatur, allegent. Et pag. 222, Esse (scilicet citatam formulam Matthæi) Hebræorum allegandi formulam מִן שְׁנֵי מִן לְקִיִּים, quæ veterum Hebræorum Theologi usi fuerint, quando non id ipsum, quod de re vel persona aliqua intelligendum sit, ex Scriptura, sed ex sensu colligi possit: tamen non omni ex parte satisfacere stiloque Spiritus S. dignum nobis videtur, a Talmudistarum & Rabbiorum allegandi formularum usu concludere ad usum formularum allegandi Evangelistis & Apostolis proprium, Viris omnia ex immediata Spiritus S. inspiratione scribentibus & infallibilitatis, ut ita dicam, dono præditis. Constat enim, utrumque Talmud longe post Apostolorum & Evangelistarum tempora esse confectum, & auctorem non Deum, sed potius Judæos, divina illuminatione destitutos, (id quod inanes & lepidæ in Talmude recensitæ fabulæ &c. testantur; confer Job, Buxtorfi Recensio oper. Talm. p. 228. sq. Aug. Pfeifferi Fascic. Diss. Philol. Dissert. I. de Talmude. Gersonis der Juden Talmud vornehmster Inhalt und Wiederlegung. Job. Andr. Eisen*

Eisenmengers Entdecktes Judenthum. Joh. Mülleri Judenthum. David. Mereters Jüden-und Heyden-Tempel. pag. 141. sq. &c.) agnoscere, qui & in explicatione locorum Scripturæ & consequenter etiam in allegatione & allegandi formularum usu, sæpissime a vero Spiritus S. sensu recedunt, quin etiam dicta, ipsis satis perspicua, studio in alienum detorquere solent sensum. Hinc autem porro antea probandum etiam esset, tempore Evangelistarum & Apostolorum easdem allegandi formulas & eodem sensu, quo apud Talmudistas & recentiores Rabbinos, apud veteres Judæos fuisse usitatas: & si etiam hoc omni ex parte concedamus, tamen propterea non statim adduci possumus, ut credamus, ab Evangelistis & Apostolis instinctu Spiritus S. formulas illas usu apud Judæos recepto, qui tamen dissidiorum præbet occasionem, imperfectus est & ad probandam fidei doctrinam valde infirmus, esse adhibitas.

§. 10.

Hactenus dicta autem quam vera, imo meridiana luce clariora sint, etiam alii jam agnoverunt, & imprimis notari merentur ea, quæ hac de re Jacobus Bonfrerius egregie ac vere differit in *Præloquio in Scripturam S.* Verba autem ejus hæc sunt: *Accommodatitius sensus tantummodo æquivoce sensus est & ad probandum vim nullam habet: unde asserere, Apostolum uti ad probandum sensum accommodatitio, idem est, atque asserere, Apostolum uti Scripturæ locis ad probandum, re ipsa tamen nihil probare: Ipsum adscribere locis Scripturæ sensum, quem revera non habent, dicereque sensum a Spiritu S. esse intentum, quem ipse revera non intendit.* Et huc etiam referri posse videntur verba Cel. Glassii, sensum accommodatitium alioquin amplectentis, *Philol. Sacr. Lib. II. Par. I. Tract. I. Sect. I. n. 3. pag. m. 250.* Illa enim, (si modo loco propositi ab eo ad probandum sensum literalem & mysticum argumenti hoc utaris ratiocinio: Si ab Evangelistis & Apostolis in N. T. ad probanda opera Christi exhibita explicatio vaticinii alicujus V. T. non est ipsius vaticinii illius sensus, sequitur, vaticinium illud V. T. citari & applicari ad opera Christi præter loquentis in V. T. intentionem,) egregie quoque nostram confirmant sententiam.

§. 11.

Sed expositis breviter difficultatibus, quibus laborare nobis videtur in conciliatione utriusque dicti sensus accommodatitius, progredimur ad aliam explicationem rite instituendæ conciliationi utriusque loci obstantem, quæ est opinio, statuens duos hujus dicti esse sensus literales, alterum de peccatis nostris, alterum de morbis corporalibus.

§. 12.

Placuit hæc de pluralitate sensus literalis opinio variis eruditorum ex Eccle

Ecclesia Pontificia, inter quos notari meretur *Hector Pintus*, Lusitanus, qui in *Commentario ad Jes.* ita dicit: *Hinc colliges apertissime, unum eundemque S. Scripturae textum duos sensus literales habere. Loquitur enim Jesaias de peccatis nostris, ut litera ipsa demonstrat, & eam D. Petrus interpretatur, & tamen loquitur etiam de corporis morbis, de quibus Evangelista eum literaliter exponit.* Item *Cornelius Cornelii a Lapide* in *Comment. ad Matthaeum*, cujus verba, quia longiora sunt & cum praecedentibus ejusdem plane sententiae, brevitatis causa omittimus. Nec non *Becanus a Glassio Philol. S. pag. 274. Joh. Thilone Medull. Theol. V. T. pag. 942.* aliisque refutatus, quippe qui, duos hujus dicti esse sensus literales, pariter ut priores ex eo colligere voluit, quia a Petro *1. Petr. II, 24.* hoc vaticinium secundum literam exponatur de peccatis nostris: a *Matthaeo* autem *c. I.* literaliter tantum de morbis corporalibus. Plures sensus literalis pluralitatem statuentes vid. in *Cel. Joh. Gerhardi Confess. Cathol. Lib. II. pag. m. 179.* Quae tamen horum Virorum opiniones nec *Caspari Sanctio*, nec *Gabrieli Vasquezio* nec aliis ex Pontificiis (quos vide in *Joh. Gerhardi cit. Conf. Cath. ib. pag. 180.*) sunt probatae. Hinc enim ille in *Commentario ad Jesaiam cap. LIII.* dicit: *Valde controversum est, an duo sensus literales esse possint ejusdem literae, nisi illi in aliquo ordine ita conjungantur, ut alter alteri supponantur. Quod hic, qua ratione fiat, non apparet.* Hujus vero verba in *Partem I. Thomae Tom. I. Disput. XVIII. cap. 5.* haec sunt: *Anselmi sententia, licet in hoc mihi non probetur, in eo tamen vera est, quod duplicem sensum literalem diversum non consedit.*

§. 13.

Est enim haec opinio a veritate alienissima, nec salva illa ullo pacto stare potest, quia, ut ex Theologorum nostrorum scriptis satis constat, certitudini, perspicuitati ac fini Scripturae S. omni ex parte repugnat. Sequeretur enim ex pluralitate sensus literalis, Scripturam non solum ambiguam & consequenter incertam, sed etiam obscuram esse ac proinde non idoneam ad homines ad salutem sapientes reddendos. confer. *Joh. Gerhardi Confess. Cathol. c. I. pag. 178. 179. Sal. Glassii Phil. S. Lib. II. Pars I. Tract. II. Sect. I. pag. 264. seq. Calovius Tom. I. Syst. LL. Theolog. pag. 662. sq.* Uno verbo, si duo pluresve unius ejusdemque effati divini sensus essent literales, veritatis Christianae miserrima esset conditio, & totius fidei doctrinae perturbatio maxima, ita ut nullus certus esse possit, quae sibi sint credenda & agenda, aut quae rejicienda & mittenda. καὶ γὰρ εἰν ἄδηλον φωνὴν σάλπιγγος δῶ, τίς παρασκευάζεται εἰς πόλεμον; *1. Cor. XIV, 8.*

§. 14.

Minima denique ex parte eam conciliationem approbandam esse sentimus, quæ non solum sensum illustrissimi hujus Jesaiaë vaticinii plane evertit, sed & imprimis ipsum salutis nostræ fundamentum, quod est satisfactio Jesu Christi, funditus diruere conatur, nec ulla ex parte cum rationibus linguæ textus authentici tam Veteris quam N. Testamenti, nec rerum ipsarum consentit.

§. 15.

Talis vero est *expositio famosi illius Fausti Socini*, quippe qui, volente ita falsa sua hypothese de negata Christi satisfactione, existimat, Jesaiam in laudato effato divino nihil amplius de Christo affirmasse, nisi quod homines morbis corporalibus, laboribus ac pœnis liberaverit, & Ferre peccata s. pœnas peccatorum, idem esse ac Auferre per condonationem, ita quidem ut nullo modo divinus Vates in hoc dicto dicat, Christum peccata nostra eorumque pœnas in se suscepisse, ut pro iis satisfecerit.

§. 16.

Hanc autem opinionem & explicationem laudati vaticinii repugnare rationibus linguæ, inde apparet, quia Socinus confundit duas voces Hebraicas נשא & סבל. Quod enim ad priorem attinet, illa quidem, ut omni, qui primoribus labris, saltem attigit Philologiam Hebræam, etiam constat, non tantum Ferendi, sed & Auferendi notionem habet. In hac enim significatione occurrit Exod. XXXIV, 7. Numer. XIV, 18. Gen. IV, 13. Ps. XXV, 18. &c. Posterior vero non nisi in notione gestandi, portandi, bajulandi in Sacris legitur, e.g. Gen. XLIX, 15. Jcs. XLVI, 4. & 7. Psal. CXLIV, 14. ad quem ultimum locum conferri meretur R. Salomon ben Melech in ספר מכלל יופי ענינו כוכר המשא וטעינתו על הכתף -- או -- כאלו הבשר והשומן ענין מסובלים לרוב הבשר והשומן -- -- -- ח. e. Habet notionem gravis oneris, quod impositum est humeris. -- Aut significatio vocis מסובלים respicit multitudinem carnis & pinguedinis -- ac si caro & pinguedo illis esset oneri. Nunquam vero invenitur in significatione auferendi. Male ergo ex generaliore significato prioris vocis נשא posterioris סבל notionem in dubium revocare voluit. Et hoc ipse etiam Grotius in defensione fidei Catholicæ pag. II. contra Socinum observavit, dicens: Vox נשא quidem significat auferre, סבל vero nunquam, sed sustinere, bajulare; & quoties id ponitur cum nomine peccati, id in omni lingua & maxime in Hebraismo significat, pœnas ferre. Diserte igitur hic dicitur, Christus laturus pœnas eorum, qui justificantur. Hæc phrasis nullam aliam interpretationem recipit &c.

§. 17.

§. 17.

Simili de causa *Gabrielis Alvarez*, Oropesani Jesuitæ, cogitationes nec omni ex parte locum habere possunt, nec omnes plane remonent difficultates. Cum enim is verba **וּמִכֹּחֵינוּ** *ad peccata*, sequentia **סָבַל** *ad morbos corporis secundum literam* referenda arbitretur & propterea verbum **סָבַל** utrumque significare, & *Ferre & Auferre*, ut latinum *Tollere*, quorum alterum græca editio (reddens per *περὶ ἡμῶν ἰδυνάτας*) alterum evangelica citatio (reddens per *ἐβάστασε*) sumferit: jam commemoratis linguæ rationibus, perpetuo scilicet usu verbi **סָבַל**, refellitur.

§. 18.

Licet igitur omni ex parte, præsertim ad Philologiæ usum si spectes, sententia *Gabrielis Alvarez* retineti non possit: tamen non possumus non confiteri, illum in ipsa re & fundamento conciliandi vaticinium *Jesaiæ* cum citatione Evangelistæ, aut potius sensu Spiritus S. apud utrumque Scriptorem explicando plenius vidisse aliquid veri: dum in eodem hoc dicto & de susceptione peccatorum nostrorum & de curatione morborum corporalium agi asseveravit. Interim tamen, quia hanc suam sententiam explicare satis & necessariis verisque argumentis confirmare non potuit: quippe ab accuratiori linguæ sanctæ ac Philologiæ notitia imparatior, experiamur nunc sepositis hætenus dictis, an monstratam a *Gabriele Alvarez* conciliandi viam assumtis necessariis adminiculis absolvere possimus felicius.

S E C T I O II.

Proponens nostram de accuratiori conciliatione sententiam.

§. 1.

PRinceps interpretationis & exinde rite instituendæ conciliationis adminiculum est firmissima regula illa hermeneutica: *Scriptura ex Scriptura est explicanda*; sive, ut loquitur *Cel. Job. Guil. Baierus Compend. Theol. Exeget. Cap. IV. §. 1.* *Sicut scriptores sacri non sua propria sed Dei verba scripserunt; ita & lector eorum non sua propria interpretatione potest uti, sed ad hoc omni studio debet attendere, quomodo sua verba voluerit intelligi ipse, qui scripsit.* His enim rite observatis, statim apparet, accuratam sensus verborum *Matthæi* cum citato vaticinio *Jesaiæ* esse convenientiam. Scilicet sensus verborum Evangelistæ videtur innuere, esse in verbis *Jesaiæ* aliquid, quod directe & ad literam respiciat effectas a Christo divina potentia miraculosas morborum curationes.

§. 2.

Cui rei major affulgebit lux, si ponamus: (quod quidem ab intelligentibus

tibus haud difficulter nobis datum iri confidimus, cum fit res in Hermeneutica sacra (*conf. Job. Reinhardi Hermen. Sacr. pag. 258. &c.*) fundata, nec a veritate ullo modo aliena.) Verba Sanctissimi Scripturae Autoris non esse praeter necessitatem nimium restringenda, sed si salva veritate & verborum rerumque connexionem fieri possit, in sensu amplissimo capere licere. Hoc enim quodammodo etiam postulare videtur gentium orientalium loquendi ratio, quippe quae admodum fuit concisa, ita ut multa paucis dicere consueverint.

§. 3.

Itaque putamus sub adhibita in Jesaiae vaticinio voce **חַלִּי**, quicquid morbi rationem habet in homine, tam in corpore, quam in animo, recte comprehendendi & utriusque partis sanitatem a Christo, Salvatore nostro ac Medico, procurari nobis, per Prophetam in hoc effato divino promitti.

§. 4.

Radix enim **חֲלִי** & hinc derivatum nomen **חָלִי** non solum generatim quamcunque virium imminutionem inferunt, sed & speciatim interdum de morbis ac infirmitatibus corporis, interdum de morbis ac infirmitatibus animi usurpantur. Nec dubium est, quin in accuratiori Codicis sacri V. T. perlectione plura etiam loca possint inveniri, in quibus aequae ac h. l. & radix **חֲלִי** & hinc deductum nomen **חָלִי** in ampliori sensu pro quocunque, quod in homine morbi rationem habet, tam in corpore, quam in animo, adhibeatur: ad quae quodammodo referri posse videntur loca Cantic. II, 5. & imprimis c. V, 8. ubi ecclesia & in specie quilibet in vera cum Christo communione constitutus, querens, ut ex praecedentibus patet, de amissione vel potius defectu sensus gratiae ac clementiae divinae, dicitur **חֲלִי אֶהְבֶּה** h. e. *agrotans amore*. Cum autem constet, ejusmodi tentationum tempore vere Christianos non solum maximam, imprimis accedente recordatione peccatorum suorum, anxietatem & tristitiam animi sentire, sed etiam propter hanc magnis quoque infirmitatibus corporis affici, uti hoc Davidis exemplum satis comprobatur Ps. VI, 3. 4. 7. & 8. Ps. XXXVIII, 4. 7. 8. & 11. &c. *confer. Christ. Frid. Lammeli der hochangefochtenen Seelen Paradies.* videntur verba **שְׁחָלִי אֶהְבֶּה אֲנִי**, assumtis simul praecedentibus, hoc sibi velle: *Adjuro vos, Filiae Jerusalem! si inveneritis dilectum meum, ut indicetis ei, quod ob summum, quo premor, gratiae suae defectum & ardentissimum ejus desiderium magna & animi anxietate ac tristitia, & inde nascente corporis infirmitate afficiar.*

§. V.

Hanc autem vocis **חֲלִי** explicationem h. l. locum habere posse ac debere, confirmat etiam res ipsa. Christus enim venit in mundum & opus redem-

dementionis in se suscepit, non ut unam saltem hominis partem, sed ut totum hominem quoad corpus & animum in integritatem restitueret. Ut enim utraque hominis pars, corpus & animus, per peccatum corrupta est: ita utriusque sanatio per Christum fuit perficienda. Hinc etiam disertis clarissimisque divinis Scripturæ docemur, Christum, Salvatorem nostrum, fideles aliquando in altera vita & ab omni peccato atque animi infirmitate, & ab omni malo ac infirmitate corporis plane fore liberaturum.

§. 6.

Neque tamen temere dixerimus cum Socino, de solis morbis & doloribus corporis agere Prophetam in membro dicti alterutro, sed potius affirmamus, verba Prophetæ pertinere quoque ad infirmitates animi & peccatorum. Iccirco tamen non in hujus rei probatione contra Socinum aliosque multum nunc desudabimus, cum omnia huc spectantia ex doctissimis Theologorum scriptis luculenter possint hauriri: conf. Beckmanni Theol. Polem. p. 600, 601. Franzius in Diss. ult. de Sacrificiis. Meisnerus in Consider. Theol. Photin. p. 840. seq. sed dicemus tantum, hanc rem cum imprimis ex hujus c. LIII, II. ubi dicitur de צדיק עבר s. de Christo וְעוֹנֹתָם הוּא יִסְבֵּל & iniquitates eorum ipse portabit, & v. 12. cujus verba sunt: וְהוּא חָטָא רַבִּים נֶשָׂא & ipse peccata multorum sustulit, probari; tum ex Judæorum veterum æque ac recentiorum confessione & Christianorum plerorumque omnium consensu non male posse colligi.

§. 7.

Quamvis enim Judæi, ut jam initio Sectiones I. monitum est, divinum hoc effatum plerumque ad gentem suam detorqueant, quæ secundum hujus dicti sensum portare debeat gentium peccata eorumque pœnas, eademque de causa affligatur in exilio præsentis: peccata tamen gentium, pro quibus Judæi hæc sustineant, subindicari volunt.

§. 8.

Et idem hoc testatur etiam Paraphrasis Chaldaica Jonathanis, quæ ita se habet: בָּכָן עַל חֻבְנָא הוּא יִבְעִי וְעוֹיְתָנָא כִּדְלִיָּה יִשְׁתַּבְּקוֹן. Propterea pro debitis nostris ipse deprecabitur & iniquitates nostræ propter eum dimittentur. Licet enim hæc recedat a textu authentico, nec sensum ejus satis exprimat: nihilominus tamen ostendit ejus autor, de peccatis ac infirmitatibus animi in hoc vaticinio agi se affirmare, dum Hebraicum חֲלִיָּנו reddit per Chald. חֻבְנָא debita, delicta nostra, & Hebraicum מַכַּאֲבֵינוּ per Chald. עוֹיְתָנָא iniquitates nostræ. Et eodem denique redit etiam Versio LXX. Interpretum, quippe qui חֲלִיָּנו verterunt per τὰς ἀμαρτίας ἡμῶν.

§. 9.

§. 9.

Quod autem ad vocem נשׂא attinet, constat inter omnes & jam supra §. XVI. probatum est, eam non tantum *ferendi*, *portandi*, sed etiam sæpius *auferendi*, *tollendi* notionem habere. Cum vero quidam Philologorum & Interpretum simul asserant, verbum נשׂא duplicem *auferendi* notionem habere, significare videlicet vel auferre tollendo de medio, vel auferre tollendo in humeros, & h. l. ultimam notionem obtinere ac proinde significare, *peccatum auferre in se transferendo*, *sive tollere persolvendo*: nos statuimus contrarium, scilicet priorem potius significationem, qua auferre tollendo de medio significat, h. l. in voce נשׂא locum invenire; in qua notione etiam occurrit *Gen. IV, 13. Ps. XXV, 18. &c.* id quod ex sequentibus magis constabit.

§. 10.

Neque vero opus etiam est, (præsertim, quia tunc tautologiæ oriri quoque possit suspicio,) ut h. l. dicatur, verbum נשׂא, quia πολύσημον sit & ambiguum, in membro sequenti hujus dicti exponi per נשׂא & unum hemistichion in hoc Jesaiæ dicto esse alterius ἐξηγητικὸν & παραλληλως sibi invicem respondere hæc duo membra: *Languores nostros tulit & dolores nostros portavit.* Nec magis differre, tulit & portavit, quam languores & dolores. Ita fere *Job. Thilo in Med. Theol. V. T. pag. 943.* Quid enim obstat, quo minus aliquid peculiare membro priori, aliquid itidem novum & diversum a priori membro sequenti doceatur? Talis certe loquendi ratio non solum infinitis tam Sacri Codicis, quam profanorum Scriptorum exemplis, sed etiam quotidiana comprobatur experientia.

§. 11.

Præterea hanc diversitatem sensus utriusque membri declarare videtur non solum quodammodo ratio Accentuum Hebraicorum, adhibens in prioris membri ultima voce נשׂא loco subdistinctivi minoris Tiphcha subdistinctivum majorem Sakephkaton, sed & imprimis particula connexa ו, quippe qua Synonymiam verborum Jesaiæ, ut nobis forsitan quispiam objecerit, satis evinci affirmare haud possumus. Siquidem præter officium voces conjungendi præfixum hoc plures alias sustinere significationes in vulgus notum est, & ab ullo negatum iri ne fingi quidem potest, confer. *Cel. Danzii Interpres Ebræo-Chald. p. 315. seq. & Noldius in Concordantiis Partic. Ebr. Chald. p. 268. seq.* In his autem notionibus est etiam causalis *Nam, Quia, Propterea quod*, quæ bene etiam obtinere potest versu 11. hujus Cap. LIII. *Jes.* in vocibus וְנִשְׂאוּ יִסְכְּרֵהוּם, si ita exprimas: *Et i. e. Nam perversitates eorum ipse portabit.* Possis tamen etiam exponere *Quin*, per quandam correctionem aut gradationem. Vel denique illative per *Ideo, Propterea, Quare &c.*

§. 12.

§. 12. His igitur positis, sat prono alveo profluere hinc videtur talis vaticinii Jesaiæ sententia, quæ & vim ἰλασµῶ Christi confirmet contra impetus Socinianorum, & Matthæum hæc verba laudantem a cavillis Judæorum aliorumque empæctarum defendat, & a difficultatibus, quibus plerique Interpretes alioquin premuntur, nos liberet hoc modo: *Profecto morbos nostros (& corporis & animi) ipse sustulit, removit.* (cum peccata remittendo, tum morbos, acerbos peccatorum fructus, divina potentia sanando: quorum utrumque vel in uno paralytico Matth. IX. licet deprehendere; & Matthæi VIII. sane luculenter conspicitur, ubi Christus a Dæmone violenter oppressos restituit in sanitatem & animi & corporis.) *Nam dolores nostros portavit atque in se suscepit.* (Se nostri loco coram Dei judicio reum subdidit, eoque plenam & animi & corporis salutem nobis impetravit, eademque opera a Patre consequutus est, ut Ipse nobis esset autor atque effector plenæ atque æternæ salutis, Ebr. V, 9. quod tot miraculosis morborum curationibus per Evangelistas passim descriptis opere ipso patefecit.) Vel: *Profecto morbos nostros sustulit:* (neque vero hoc tantum beneficium in nos contulit, sed multo majus voluntatis amorisque in nos pignus dedit:) *quia & dolores nostros* (at quantum onus infinitæ æternæque molis!) *portavit ipse atque in se suscepit.* Vel: *Profecto morbos nostros (& corporis & animi) ipse sustulit, quin etiam dolores nostros portavit.* Vel denique: *Profecto morbos nostros (& corporis & animi) ipse sustulit.* (Quia vero hoc, si cum æternæ salutis acquisitione conjungeretur, plenam pro peccatis nostris satisfactionem necessario requirebat,) *propterea etiam dolores nostros portavit atque in se suscepit.*

§. 13. Hic ergo ablationem morborum, tam animi, quam corporis, de qua Matthæus in citatione & explicatione hujus Prophetiæ loquitur, diserte prænunciari de Christo videmus; eundem Salvatorem nostrum videmus onus peccatorum nostrorum pœnarumque in nos incumbentium in se transtulisse. Quo pacto nec Socinus, satisfactionem Christi nobis erepturus, aliquid lucratur, nec difficulter intelligitur, dicti hujus veritatem tunc temporis luculenter omnibus potuisse constare, cum Christus propria virtute, divina potentia tot ægrotos sanaret, atque ex malis per Satanam inflictis eriperet.

§. 14. Simplicior autem hæc & plenior utriusque loci conciliatio nobis videtur, quam eorum, qui totum locum istum, tam a Propheta, quam Evangelista, in sensu literalis directo & primario de morbis animi five peccatis, deinde vero indirecte, minus principaliter & per consequentiam de morbis corporis intellectum fuisse putant. vid. Clotzius de Doloribus animæ Jesu Christi pag. 90. & Andr. Keslerus in Dissert. Theol. de Dictorum V. T. in Novo allegatione. §. 44.

§. 15. Cæterum cum nostra explicatione consentit fere omni ex parte Job. Brentius in Comment. in Jes. pag. 670. 671. Tomo IV. Oper. Ibi enim dicit: Non est
autem

autem sentiendum, quod Evangelista, cum exponit hunc locum Esaia de corporalibus infirmitatibus, quas Filius Dei in agrotis corporaliter etiam curandis suscepit, abutatur dicto Propheta in alium sensum, quam Spiritus S. intelligi velit. Nam Filius Dei suscepit nostras infirmitates & portavit nostros morbos duplici ratione. Et de utraque textus Propheta intelligendus est. Altera, quod suscepit infirmitates nostras curandas corporaliter. - - Altera ratio est, quod suscepit infirmitates nostras curandas spiritualiter. Nos enim obnoxii sumus, non solum omnibus corporalibus infirmitatibus, morbis & adversis, verum etiam corporali & aeternae morti ac perpetuo igni gehennae. - - Quare, sicut Filius Dei suscepit in se nostras infirmitates duplici ratione curandas, ita Matthaeus apte & recte citavit hunc textum de altera curandi ratione, qua Christus liberavit quidem agrotos corporalibus morbis, sed ut his miraculis testaretur, se esse verum spirituales & caelestem infirmitatum nostrarum curatorem. Haecenus Brentius. Ita & Jo Meisnerus Exerc. IV. in Matth. §. 17. statuimus, inquit, literaliter & proprie impletum dici. Accedit tamen etiam ex parte ad nostram sententiam Cel. Coccej. in Considerat. ad Vltima Mosi Sect. III. cap. XXXII. §. 741. ubi allatis verbis vaticinii nostri Jesaiae iisque breviter expositis ita pergit: Nihilominus tamen maxime isto genere loquendi de morbis & doloribus, connotat ablationem dolorum & morborum, idque ideo scilicet, quia ipse portabat, ut effectu ablationis probaret, se esse eum, qui portaret. Et huc etiam referendus esse videtur Cajetanus, de quo Jansenius in Concord. Evang. cap. XXVIII. ita loquitur: Cajetanus vero contendit, sensum testimonii hujus, ut a Matthaeo citatur, esse sensum literalem Prophetae Jesaiae.

§. 16. Sed proposita hac nostra sententia de conciliandi ratione Jesaiam cum Evangelista, aut potius de sensu Spiritus S. apud utrumque plenius explicando, removenda nobis simul fuerint, quae forsitan non sine specie quadam huic expositioni & conciliationi Matthaei cum Jesaia objici posse videntur. Objiceret enim forte quispiam, sequentia eam non permittere. Ridiculum enim esse, si quis asserat, Christum a Deo percussum esse & humiliatum, eo quod languores nostros sustulerit, morbosque omnis generis curarit: unde potius homines arbitrari debuissent cum Nicodemo Joh. III, 2. Christum esse hominem Deo gratum, ac magnum Prophetam a Deo missum; quin eo temporis articulo, quo Christus secundum vaticinia Prophetarum expectandus erat, ipsum Christum.

§. 17. Ad hanc autem objectionem quod attinet, recte quidem ea contra Socinum utitur Clotzius l. c. p. 78. quem portationem peccatorum nostrorum poenarumque ex hoc dicto, invita veritate divina & verbis propheticis, plane tollere conari, merito omnes indignantur boni. Nos vero ista non feriunt, quippe qui susceptionem peccatorum nostrorum ex hoc ipso Jesaiae vaticinio defendimus; plura tamen simul credimus, Matthaeo autore, latere in hoc dicto, ipsaque sacri Vatis verba eo ducere in praecedentibus jam animadvertimus. §. 18

§. 18. Deinde etiam ad hanc objectionem respondemus, Jesaïam non tam causas docere velle, cur Judæi Christum modicam indignis habuerint; quam ipsius contemtionis indignitatem & turpitudinem graviter ponere ob oculos, quod eum scilicet spreverint, qui tot benefactis se inter ipsos fecerit conspicuum, tantum etiam malorum propter ipsos in se susceperit, cui adeo alia omnia ab ipsis fuissent debita. adde Act. X, 38. seqq.

§. 19. Quod autem ita res se habeat, & hic fit sensus querelæ Jesaïæ, citato hoc cap. LIII, 1. occurrentis, & sequentium verborum, intelligi potest ex simili illa querela, quæ Job. XII, 13. occurrit. Nam c. l. non solum verba querelæ Jesaïæ, quam diximus, citantur, sed & iisdem contemtionis Christi indignitas & turpitudine probatur & Judæis graviter ponitur ob oculos, dum Evangelista dicit, Judæos, licet JEsus τοσαῦτα σημεῖα, tanta signa coram illis perfecit, adeoque tantis illos affecerit beneficiis, tamen in eum non credidisse. Quo pacto commode in hoc nostro vaticinio 1 in voce נבנני adversative exponi potest, non nude copulative, sed ut vertatur: Tamen, Veruntamen nos &c.

§. 20. Porro autem nobis objici posse videtur, verbum נשנ in hoc Jesaïæ vaticinio non in auferendi, sed ferendi significatione esse accipiendum. Hoc enim ex versu 12. hujus capitis posse colligi: ubi non auferendi, sed ferendi notionem sustineat, fatentibus sic Interpretibus. Ita fere Clotzius c. l. pag. 80.

§. 21. Verum objectio hæc exigui certe est momenti, nec ullo modo nostræ obstat explicationi. Cum enim jam supra dixerimus, rem omnium Philologorum confessione comprobata esse, verbum נשנ non solum ferendi, portandi, sed & auferendi, tollendi notionem habere; nihil h. l. obstat, quo minus hæc vox in diversis commatibus diverso modo sensuque extet. Hoc enim omnium linguarum usu & quotidiana comprobatur experientia, imo infinitis, si rei necessitas urgeret, confirmari posset exemplis. Addemus tamen modo unum de synonymo quodammodo Græco verbo βάλλειν ex patre græcitatatis Homero. Hic enim Ιλ. λ. v. 108. 109. pag. m. 376. ita canit:

Τὸν μὲν ὑπὲρ μαζοῖο κατα' εἵθε βάλῃ δρεῖ.

Ἀντιφὸν αὖ παρὰ ἔς ἔλασε ξίφει, ἐκ δ' ἔβαλ' ἱππῶν.

quæ ex versione Giphani ita interpreteris: Alterum quidem supra papillam juxta pectus sauciavit hasta: Antiphum autem juxta aurem percussit ense depulitque ab equis.

§. 22. Sed ne hac quidem proposita jam responsione indigemus. Si enim citatum v. 12. accuratius consideramus, etiam ibi auferendi notio locum invenire potest, si verba נשנ רבים הוה יהוה ita vertas: Et ipse peccata multorum sustulit. Quæ quidem, si de acquisitione remissionis peccatorum capias, tum Multi sunt genus humanum universum: eodem modo, quo Matth. XX, 28 adde II. Cor. V, 19. seqq. Sin de veniæ applicatione, tum Multi sunt multitudo fidelium, de qua sermo fit Psal. XXII, 23. 26. &c.

§. 23. Denique vero auferendi significationi verbi **נָשָׂא** repugnare cuiquam videretur Græcum ἔλαβε , per quod Matthæus Hebraicum **נָשָׂא** exprimit , cum λαμβάνειν tantum accipiendi in se notionem habeat; ac proinde dixerit quispiam , ipsum Matthæum explicationem nostram vocis **נָשָׂא** refutare. Sed omnino etiam in voce ἔλαβεν auferendi, tollendi significationem & locum habere & bene defendi posse nobis videtur, cum scilicet & *Syrus Interpres* utatur verbo ܢܫܐ , ubi Matthæus ponit λαμβάνειν, quod non modo accipiendi, portandi, sed & auferendi notionem habet, & imprimis non infrequens hujus notionis verbi λαμβάνειν sit usus. Nam non solum in N. T. e. g. quodammodo *Matth. XV, 26.* Οὐκ ἔστι καλὸν, λαβεῖν τὸν ἄρτον τῶν τέκνων καὶ βαλεῖν τοῖς κυναρίοις. *Non est bonum, auferre panem liberorum & objicere catellis.* & imprimis *Apoc. VI, 4.* καὶ ἐξῆλθεν ἄλλος ἵππος πυρρόος· καὶ τῷ καθήμενῳ ἐπ' αὐτῷ ἐδόθη αὐτῷ λαβεῖν τὴν εἰρήνην ἀπὸ τῆς γῆς. *Et prodiit alius equus rufus & sedenti in eo datum est, ut auferat (tollat) pacem de terra:* sed & apud Scriptores profanos hæc notio obtinet e. g. apud *Homerum* *Il. ε. v. 83.*

Τὸν δὲ κατ' ὄσσε

ἔλλαβε πορφύρεος θάνατος καὶ μοῖρα κραταίη.

Hunc autem ex oculis abstulit (sustulit) purpurea mors & fatum violentum. Per *Auferre* enim h. l. verbum λαμβάνειν exprimit magnus ille Germaniæ eruditæ lumen *Joach. Camerarius.*

§. 24. Plura quidem adhuc in medium essent proferenda, sed quia hætenus dicta ad accuratiorem illustris illius vaticinii *Jes. c. LIII. 4.* cum citatione *Matth. VIII, 16. 17.* conciliationem non nihil jam afferre putamus, nec instituti nostri, nec temporis ratio plura persequi patitur, hic subsistimus. Quod vero reliquum est, Deo T. O. M. non solum humillimas agimus gratias pro infinitis ac immensis gratiæ suæ divitiis, quas imprimis, suscepta per Filium suum expiatione peccatorum nostrorum, & per Prophetas in V. T. prædicere, & re ipsa ac plenario complemento in N. T. ad acquirendam nostram salutem demonstrandamque verbi sui veritatem exhibere voluit; sed & Idem summum Numen supplices veneramur, velit omnes tenebras ac nebulas, quibus adhuc mentes nostræ interdum ab accuratiori sensus verbi sui cognitione detinentur, veritatis splendore depellere, ut eadem in animis nostris magis magisque possit coruscare. Tandem vero etiam *Lecl. Benev.* obnixè petimus, velit ea, quæ forsan in his minus probata sibi videantur, pro suo in nos favore gratiose emendare, certissime simul confidens, nos æquo animo fore laturos, si in harum paginarum perlustratione Sibi forsan illud quoque placeat, quod *Joh. Morinus Exercit. Eccles. I. c. i.* sibi semper in autorum lectione placuisse profiteretur, & e Iudæorum sapientibus non nemo dixisse fertur, scilicet: יִמְנִי

מִצַּאתִי חֹכוֹ אֲכַלְתִּי קְלִיפָתוֹ זֶרְקָתִי h. e. *Malogranatum inveni, interiora comedi, corticem abjeci.*